

Član 7.

Nadzorni odbor utvrđuje prijedlog plana podjele preduzeća na tehnokonomске cjeline i dostavlja nadležnoj agenciji za privatizaciju.

Član 8.

Prijedlog plana iz člana 7. ove Uredbe nadležna agencija za privatizaciju, putem nadležnog ministarstva, dostavlja nadležnoj vladi radi davanja saglasnosti i donošenja odluke o utvrđivanju metoda privatizacije.

Član 9.

Skupština preduzeća uz saglasnost iz člana 8. ove Uredbe donosi odluku o usvajanju plana podjele na tehnokonomске cjeline.

Tehnokonomске cjeline iz stava 1. ovog člana nemaju svojstvo pravnog lica i nastavljaju poslovati u sastavu preduzeća do njihove prodaje.

Član 10.

Nadležna agencija za privatizaciju, u svrhu privatizacije, a radi blagovremenog upoznavanja potencijalnih kupaca, obavještenje o odluci iz člana 8. ove Uredbe objavljuje u najmanje jednom dnevnom listu koji je dostupan na području Federacije Bosne i Hercegovine.

Obavještenje iz stava 1. ovog člana treba da sadrži osnovne naznake planirane podjele preduzeća na tehnokonomске cjeline.

III. PLAN PODJELE PREDUZEĆA NA TEHNOEKONOMСКЕ CJELINE

Član 11.

Plan podjele preduzeća obavezno sadrži:

1. osnovne podatke o preduzeću kao cjelini;
2. osnovne razloge za podjelu preduzeća na tehnokonomске cjeline u svrhu privatizacije sa utvrđivanjem tehnokonomskih cjelina koje nastaju podjelom preduzeća;
3. osnovne podatke o tehnokonomskim cjelinama;
4. raspodjelu imovine i obaveza preduzeća po tehnokonomskim cjelinama;
5. imovinu preduzeća koja nije u sastavu ni jedne tehnokonomске cjeline;
6. raspored zaposlenika po tehnokonomskim cjelinama sa prijedlogom rješavanja eventualnog viška zaposlenih;
7. vlasnička prava u preduzeću koje se dijeli i u tehnokonomskim cjelinama koje nastaju podjelom.

Predložena raspodjela iz tačke 4. i 6. ovog člana treba da obezbijedi dovoljnu konkurentnost tehnokonomskih cjelina.

Planom podjele svaka tehnokonomска cjelina treba da bude obrazložena posebno sa organizacionog, ekonomskog, tehnološkog, razvojnog, tržišnog, kadrovske i infrastrukturnog aspekta.

IV. IZRADA PROGRAMA PRIVATIZACIJE I POČETNIH BILANSA STANJA SAMOSTALNIH TEHNOEKONOMSKIH CJELINA

Član 12.

Elementi usvojenog plana podjele iz člana 11. ove Uredbe su obavezni okvir za pripremu programa privatizacije i početnih bilansa stanja tehnokonomskih cjelina.

Član 13.

Preduzeće priprema programe privatizacije i početne bilanse stanja tehnokonomskih cjelina i dostavlja ih nadležnoj agenciji na odobravanje.

Član 14.

Programi privatizacije i početni bilansi tehnokonomskih cjelina se pripremaju po odredbama Zakona o početnom bilansu preduzeća i banaka ("Službene novine Federacije BiH", br. 12/98, 40/99 i 47/06) i podzakonskih akata donesenih na osnovu ovog Zakona.

Član 15.

Preduzeće će poslovanje tehnokonomskih cjelina računovodstveno odvojeno evidentirati po odobravanju programa privatizacije i početnog bilansa stanja istih.

V. PRODAJA TEHNOEKONOMSKIH CJELINA

Član 16.

Prodaja tehnokonomskih cjelina preduzeća vrši se po odredbama Zakona o privatizaciji preduzeća i podzakonskih akata donesenih na osnovu ovog Zakona koji uređuju postupak velike privatizacije.

Član 17.

Imovina preduzeća iz člana 11. tačka 5. ove Uredbe predstavljaju zajedničku imovinu svih dijelova preduzeća.

Privatizacija imovine iz stava 1. ovog člana vrši se po odredbama Zakona o privatizaciji preduzeća i podzakonskih akata donesenih na osnovu ovog Zakona koji uređuje postupak male privatizacije i obavlja se najkasnije prije okončanja privatizacije posljednje tehnokonomске cjeline preduzeća.

Sredstva ostvarena privatizacijom imovine iz ovog člana, koriste se u skladu sa planom koji definiše nadzorni odbor preduzeća po prioritetima u skladu sa zakonom.

Član 18.

Preduzeće je dužno da u sudskom registru izvrši promjene koje su nastale prodajom tehnokonomskih cjelina, a koje se odnose na djelatnost i organizaciju preduzeća.

Član 19.

Skupština preduzeća donosi odluku o isknižavanju knjigovodstvene vrijednosti tehnokonomске cjeline na teret osnovnog kapitala preduzeća nakon izdavanja rješenja nadležne agencije o odobravanju upisa izvršene privatizacije u sudski registar te tehnokonomске cjeline.

Član 20.

Ukoliko je preduzeće organizovano kao dioničko društvo, privremeno se obustavlja promet dionicama preduzeća u periodu od dana izvršnosti odluke o prodaji tehnokonomске cjeline do dana upisa kod Registra vrijednosnih papira, o čemu Registar obavještava nadležna agencija.

Član 21.

Ovlašćuje se Agencija za privatizaciju u Federaciji Bosne i Hercegovine da može donositi provedbeni akt za primjenu ove Uredbe.

Član 22.

Ova Uredba stupa na snagu narednog dana od dana objavljivanja u "Službenim novinama Federacije BiH".

V broj 714/06

16. novembra 2006. godine
Sarajevo

Premijer
dr. **Ahmet Hadžipaišić**, s. r.

Na temelju članka 19. stavak 1. Zakona o Vladi Federacije Bosne i Hercegovine ("Službene novine Federacije BiH", broj 1/94, 8/95, 58/02, 19/03, 2/06 i 8/06) i članka 7. stavak 4. Zakona o privatizaciji poduzeća ("Službene novine Federacije BiH", broj 27/97, 8/99, 32/00, 45/00, 54/00, 61/01, 27/02, 33/02, 28/04, 44/04 i 42/06), Vlada Federacije Bosne i Hercegovine donijela je

UREDBU

O POSTUPKU PRIPREME I PODJELE PODUZEĆA NA TEHNOEKONOMСКЕ CJELINE U SVRHU PRIVATIZACIJE

I. OPĆE ODREDBE

Članak 1.

Ovom Uredbom uređuju se nadležnost, način i postupak pripreme plana podjele, pripreme programa privatizacije i početnih bilansi poduzeća za koja je utvrđeno da je privatizacija uvjetovana prethodnom podjelom poduzeća na samostalne tehnokonomске cjeline (u daljnjem tekstu: tehnokonomске cjeline), te postupak prodaje tehnokonomskih cjelina.